



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. P. Pauli Segneri Societatis Jesu Brevis Vitæ Historia
cum ejusdem Concordia Quietis & Laboris in Oratione,
Expositione in Psalmum Miserere, Considerationibus de
Inferno, Expositione Cantici ...**

Massei, Giuseppe

AUGUSTÆ Vindel. & DILINGÆ, 1707

VD18 12383155

Et exultavit spiritus meus in Deo Salutari meo.

[urn:nbn:de:hbz:466:1-47773](#)

& abjectissimis, mitti eum, cui non tantum congenita est Dominatio, sed intima, sed à nullo penitus pendens, non autem, qualis Angelorum est, dono accepta! Enim verò fieri tantum opus non potuit sine summa violentia: cuius autem amoris infiniti. Mirum proinde non est, quod Virgo contemplans excessus abjectionis tam profundæ prorum. peret in hos clamores *Magnificat Anima mea Dominum.* Si homo tunc dignus est tanto majoris fieri, quod magis se abjicit, quanto dignior erit DEUS?

*Et exultavit spiritus meus in DEO Salutari
meo.*

I.

Considera, æquissimum esse ut Magnificetur à nobis DEUS mediis omnibus nostris facultatibus tam intimis, quam externis; cum nunquam, ne à longè quidem, tam multas habere possimus, ut ad finem istum sufficiant: *Benedicentes DEUM, exaltate illum quantum potestis,* Ecclesiastes 43. v. 33. *major est enim omni laude. Exaltantes eum replemini virtute.* Non ita se habet Exultatio in DEO: hæc enim à nobis exerceri non potest, nisi in recessu nostri intimo, dum Zacharias 10. penitus in illo absorpti sumus: *Exultavit cor eorum in Dominino.* Hinc ad sociam nobis operam in hac magnificatione jungendam facile possumus invitare quemlibet, quemlibet Psalms 33. v. 4. *Magnificate Dominum tecum, & exalteamus nomen ejus in idipsum.* Neminem tamen invitare possumus, ut partem & ipse habere velit in exultatione, quam gaudemus. Prov. 14. v. 10. *In gaudio ejus non miscetur extraneus.* Qui hoc in se desiderat, necesse est ut ipse se præparet ad illud experiendum.

Hoc

Hoc ita posito, tu mox intelliges causam, ob quam Virgo, cùm egit de magnificando DÉO, dixit, quod magnificet illum operâ Animaꝝ. *Magnificat Anima mea Dominum.* Quando egit de Exultatione, quâ Exultavit in DÉO, quod exultarit in DÉO operâ Spiritus: *Et exultavit Spiritus meus in DÉO salutari meo.* Quid autem? An fortassis anima & spiritus non sunt una eadémque res? Sunt una & eadem naturâ, sunt tamen officiis distinctæ. Anima Spiritus est, Spiritus Anima est; hoc omnes novimus. Anima tamen Anima dicitur, quando illas obit functiones, quæ corpus spectant, quales sunt, tribuere illi vitam, illud vegetare, illo ad actiones suas proprias uti. Spiritus autem dicitur, quando sine respectu ad corpus, ut in se, quasi se solâ consideratur. *Unus, & idem Spiritus, & ad se ipsum Spiritus dicitur, & ad corpus Anima.* Ita S. Augustino plenuit in hoc Canticum Magnificat. Quando igitur Virgo egit de magnificando DÉO, Sp̄itui suo dedit nomen Animaꝝ, quia ad magnificationem ejusmodi utebatur operâ etiam corporis tot vocibus laudis, ad quam excitavit hocce suo Canticō, quod totius Mundi auribus præcinctum. Quando egit de exultatione in DÉO, è diverso Animaꝝ tribuit nomēa Spiritus; ejusmodi enim exultatio manebat in ipsâ, nota ipsi uni: alius nemo illam sibi imaginari, nedum capere poterat.

Expressit quidem illa Magnificationem verbo temporis præsentis, exultationem autem verbo temporis præteriti, *Magnificat Anima mea, Exultavit Spiritus meus;* quia ab exultatione profundissima, quâ exultavit Spiritus Virginis momento, quo Verbum Carnem ejus in utero induit, provenit, ut idem Spiritus subinde non contentus operari modo, qui Sp̄itui proprius est, progrederetur tanquam

B 2

Anima

Anima ad ipsam etiam linguam DEI laude occupandam. Nostine quam ob causam tu DEUM tam parum magnifices? non ob aliam, quām quia in DEO parum exultas. Scrutare tantisper interiora tua, & attende, quæ sint tua gaudia, si qua sentis: sūntne sensilia tantum, an spiritualia? quin imò in solo spiritu difficile tibi est illa invenire. Id agis & cupis, ut spiritus in te semper operetur tanquam Anima, indulgendo semper sensibus quidquid concupiscunt; non operaris unquam tanquam spiritus, negando ipsis ad quod anhelant. Quid igitur mirum, si destitueris solatiis spiritus? Spiritus non potest unquam verè exultare nisi in DEO, tunc autem solum exultat in DEO, cùm operatur tanquam spiritus. Necesse igitur est, ut tu procures in te ipso hanc Animæ à spiritu divisionem, quæ tam est exquisita. Sed quis illam efficiet? Idem qui illam effecit in Virgine, sermo DEI rite conceptus: *Vivus est Sermo DEI & efficax, pertingens usque ad divisionem Animæ, ac Spiritus.* Altè in Animum demitte Axiomata Fidei, in quibus totus DEI Sermo consistit; & ecce, factam confessim in te, quam diximus, divisionem. Quanto siquidem Spiritus tuus amplius desiderabit operari cum DEO suo ut Spiritus, transformando se in ipsum quām perfectè potest ut ipso fruatur, tanto minus volet operari cum suo corpore ut Anima, præterquam quantum illud coget impendere se DEI causâ quantum uspiam potest.

II.

Considera, Gaudi spiritualis fontes esse geminos, illos
2.2. q. 28. ipsos quos ei S. Thomas attribuit. Unus est illud bonum, quod in DEO ipso tam nullis limitibus clausum est:
art. 1. alter

alter est bonum, quod ex D E O in nos proficitur. Horum gaudiorum primum naturā suā semper majus est, quia est de bono summo, nullis uspiam terminis clauso, & nunquam deficiente. Hinc est quòd Spiritus D E I amore captus, bono hoc semper plenè perfecteque gaudere potest. Alterum naturā suā semper minus est, quia est de bono finito & limitato, et si nonnunquam spiritui magis sensibile videri possit, cùm sit de bono, cuius & ipse particeps esse possit. Certum saltem est, quod primum istorum gaudiorum, tanquam nobilis præcedere semper debeat, alterum verò subsequi. Et en quām præclarè totum hoc & admirabiliter explicit verba Virginis. *Exultavit Spiritus meus in D E O salutari meo:* dum dixit, *in D E O,* indicavit primum fontem gaudij, quo fuit cumulata; dum dein addidit *salutari meo,* indicavit nobis secundum. Primus fons erat DEUS in se ipso consideratus, sine ullo ad Creaturas respectu, & ad hunc designandum dixit, *in D E O.* Alter erat idemmet DEUS, sed factus DEUS salutis in assumendo homine: & ad hunc exprimendum subjunxit *salutari meo.* Sicut igitur ex omni numero purarum Creaturarum nulla fuit, quæ clarius cognosceret, quale sit illud bonum, quo DEUS se ipso plenus est, nulla in quam plus de eodem bono dimanaret, sic quis capere etiam potest gaudium illud, quod ex utroque hoc fonte coniuncto profluxit in Spiritum Mariæ? Fuit gaudium illi simillimum, quo Beati in Cælo fruuntur; unde etiam vides, quòd illam confessim impulerit ad agendum quod ipsi faciunt, nimirum *Psal. 149.* ad exultandum: *Exultabunt Sancti in gloria.*

v. 5.

Quando Sancti in terris homines attento mentis ob-tutu contemplantur D E U M factum hominem verè gau-dent, sed non exultant, semper enim illum vident sub ve-

B 3

lo: hinc

lo: hinc est quod quantum parte unâ se oblectant, tanto
parte alterâ simul se affligunt. Cuperent revelata facie
illud intueri, quod nunquam nisi sub nube & velo vident.
Sed huic eorum desiderio nimium quantum adversantur
sensuum facultates. Atque ita admirationis & amoris vi,
succensi desiderio sensus hos deserendi, pro eo quod que-
scant in eo quod vident, anhelant potius ad illud quod non
vident, idque tam ardenter, ut à se nonnunquam exeant
vehementissima ecstasi, quod non fieret, si haberent in se
bonum illud immensum, quod exeundo à se quartunt extra
se. Non ita se res habuit cum Virgine. Videbat enim,
se illud habere intra se, & idcirco opus non fuit illi per
ecstasim ire extra se. Beati Cælites, quando suis denuo ve-
stientur corporibus, an & ipsi forsan rapientur in ecstasim ut
DEUM videant? Nequaquam. Ratio autem est, quia il-
lud lumen, quod eis vim tribuit ad videndum, ut nullam
habet cum sensibus connexionem, ita etiam eos liberos re-
linquit ad suas functiones. Nunc observa, ita rem se ha-
buisse cum Maria. Plurimum verisimilitudinis habet opi-
nio, quæ docet, ipsam dum protulit expectatissimas illas
voces, *Ecce Ancilla Domini fiat mihi secundum Verbum tuum;*
vidisse sine velo DEUM descendenter in uterum suum ad
humanos artus assumendos: idcirco sicut ad hoc non po-
tuit non adjuvari vi alicujus luminis, quod lumini gloria
non esset absimile, ita nec à sensibus alienata, aut ecstasim
passa est: sed viso DEO aliud non fecit, quam ut exulta-
ret confestim non in se, sed in ipso, eâ prorsus ratione,
quâ exultant Beati Cælites ad primum illum obtutum bea-
tificum, quem in DEO figunt: *Exultavit Spiritus meus in*
DEO salutari meo. Neque dixeris, simili exultatione ga-
yissum quoque Davidem Regem, quando hoc ipsum DEI
huma-

humanae carnem induti Mysterium velatum intuitus est. David siquidem, si bene verba ejus perpendimus, exultavit quidem ad ipsum, sed non in ipso: *Cor meum, & caro mea exultaverunt in DEUM vivum: in DEUM dixit, non in DEO.* Siquidem, ut doctè explicavit Hugo, *exultavit in spe, non exultavit in re.* Et hinc non solus tunc Spiritus, sed & sensus exultarunt, *Cor & caro;* exultavit enim David ad DEUM, qualis media cognitione ænigmatica cognosci ab hominibus potest suo adhuc corpore circumdati, sed non in DEO, & in DEO, qualis facie ad faciem à Sanctis videtur in cælo. Quantum igitur par est te gratulari Virginis Matri illam exultationem, quæ ipsi obtigit: exultationem, cui similem nulla unquam pura creatura, dum adhuc mortales suas exuvias circumulit, experta est. Si tibi mortali hac in vita exultationem similem sperare fas non est, ora saltem Virginem, ut tali beata quondam in patria ejus precibus gaudere tibi contingat.

III.

Considera non soli Virginis, sed toti adeò humano generi Verbum factum esse DEUM salutis. Cuncti hoc credimus: & tamen ipsa hoc ita sibi proprium fecit, ut illud non respiceret, nisi ut salutare suum. *Exultavit Spiritus meus in DEO salutari meo.* An sine ratione hoc ita prolatum ab ipsa existimabimus?

In primis illa sic exemplo docuit, quid par sit facere Fidelium quemlibet. Nemo non rectè credentium ut certissimum tenere debet, Christum venisse ut pro omnibus hominibus moreretur: *Dedit redemptionem semetipsum pro omnibus.* Huic tamen tanto beneficio par est respondere quem-

quemlibet haud secus, ac si pro uno ac solo ipso venisset. Nec est periculum, ne quis in hoc quoquo modo fallatur. Ita venit pro omnibus Christus, sicut pro uno; ita pro uno, sicut pro omnibus.

Accedit, quod, si Christus in Mundum venit pro omnibus, simul tamen Virginem à cunctis ita distinxerit, ut, si S. Bernardino assentimur, ille magis illius unius causâ venerit, quam reliquorum simul omnium Patriarcharum, Prophetarum, Martyrum, Apostolorum, Anachoretarum, aliorumque quorumcunque Electorum. Hoc autem posito, quomodo non illum Virgo appellaret Salvatorem suum, suum Servatorem, qui si fingamus debuisse amittere aut ipsam, aut amittere ceteros ad unum omnes, elegisset potius facere jacturam ceterorum omnino omnium, quam ipsius unius?

Tandem citra omnem ambiguitatem Virgo Christum suum dicere potuit, quia vera ipsius proles fuit. Omnis mater, quis dubitet? suum potest dicere filium, quem genuit. Sed quae Mater jure majori quam Maria? Matres aliae sic filios suos generant, & esse ipsis tribuunt, ut fateri cogantur plus illos à patribus accepisse. Non ita Virgo.

Neque enim Filius ejus patrem in terris habuit, habuit solam Matrem: atque ita, si carnem spectemus, totus Mariæ fuisse dici potest. Deinde matres aliae sicut ante quam filios suos generent, eos non cognoscunt, sic quoscumque demum generent, eos casu quodammodo & cæco modo formare dici possunt. Et tamen illos suos dicunt. Quanto igitur magis Virgo Filium suum dicere potuit, quem certo consilio concepit? Scimus omnes, quis ea de re nuntius ab Angelo prius ipsi allatus sit. Et sic illa per prævium hunc nuntium non didicit tantum, quis esset, cui vitam se daturam

turam promittebat, sed illum insuper dilexit, aliis antebuit, solum illum voluit, conchæ instar, quæ soli ipsi, tanquam cœlesti rori castum aperiendo sinum promittebat insuper, quod omni omnino alteri clausum esset servatura. Quod cum ita sit, an non majori, quam mater quælibet, jure suum dicere potuit, quem magis ipsa suum voluit? Pro quantum igitur dicere Virgo voluit cum dixit: *Exultavit Spiritus meus in DEO salutari meo. Meo* dum dixit, suavissimum quod poterat dixit; illud enim dixit, quod efficacius posset exprimere amorem DEI erga ipsam, amorem ipsius erga DEUM, & nexus illum naturalem, quo mutuus iste amor nitebatur.

Jam si DEUS, qui erat DEUS salutis, tot modis ipsius erat, quis nobis igitur explicabit, quanto plus ceteris omnibus ab eo accepit? Fuit illi JESUS Servator modo quam fieri potuit perfectissimo: si enim hic servavit ac liberavit alios à malo postquam illud incurrerant, Mariam servavit è diverso faciendo ne incurreret. Nec isto contentus, quid non bonorum subinde in eam contulit? satis sit dixisse, quod nunquam destiterit ipsam implere gratiis, donec plenam videret omni possibili genere plenitudinis: plenam inquam pro se, plenam pro aliis, & plenam supra alios omnes: plenam pro se plenitudine sufficiente; pro aliis plenitudine superabundante, & supra alios plenitudine omnem modum excedente. *In plenitudine Sanctorum de tentio mea.*

Adverte tamen ad tuum profectum, Virginem non exultasse in *Salute* in se collata, exultasse in *salutari*, seu dante: ut disceres, non oportere te unquam complacere tibi in donis à DEO in te collatis, sed in ipso solo DEO. Si complaces tibi in donis, nunquam verè exultare poteris;

C

id

id enim facis, quod quisvis alias in terris peccator. Si complaces tibi in solo DEO, non poteris non exultare; id enim agis, quod Beati in Cælo nunquam non agunt.

Quia respexit humilitatem Ancillæ sua

L

Considera, quòd si quis opacam illam nubem, quæ solaribus radiis rectâ percussa in se exprimit Parelion, interrogaret; unde in ipsa existat tanta pulchritudo, ut in hac ipsi propemodum Soli vix aliquid concedat? responsura esset, si sensu esset prædicta, non aliunde eam pulchritudinem derivatam, quam quòd amabili ipsam obtutus sol respexerit: *Quia respexit*: cäque causâ cùm aliud ipsa in se non agnoscat, nisi congenitam sibi vilitatem, omnem è splendoribus à se tanta copia sparsis redundantem gloriam in unum Solem refunderet. En figuram illius gratitudinis, quâ erga DEUM sanctissima ejus Mater usâ est, quando verba hæc omnia conjunxit: *Magnificat anima mea Dominum*; & exultavit *Spiritus meus in D E O salutari suo*, *quia respexit humilitatem Ancillæ sua*: dixit nimirum, multum enimvero esse, in quo ipsa magnificaret DEUM, & in quo exultaret: hoc tamen quidquid, & quantumcunque esset, ipsi illi se debere, qui pro sua inæstimabili bonitate respicere ipsam dignatus esset: *Quia respexit*. Verum est, non dixisse, quòd ipsam, bene tamen quòd humilitatem ipsius respicere dignatus sit, *respexit humilitatem Ancillæ sua*: ut ostenderet, nihil in se esse quòd respici mereretur; cùm adeo omnis boni inops esset.

Sentit se quis affici erga illos, in quos obtutum desigit ob do-